

Na osnovu člana 104. Zakona o zdravstvenom osiguranju („Službene novine Federacije BiH”, br. 30/97, 07/02,70/08 , 48/11 i 36/18) i odredaba važeće Odluke o listi lijekova fonda solidarnosti Federacije Bosne i Hercegovine, Upravni odbor Zavoda zdravstvenog osiguranja i reosiguranja Federacije BiH, na 86. sjednici od 26.11.2019.godine, d o n o s i

ODLUKU

o izmjenama Odluke o kriterijima i načinu ostvarivanja prava na refundaciju troškova nabavke lijekova navedenih u Odluci o listi lijekova fonda solidarnosti Federacije Bosne i Hercegovine

I

1. U preambuli Odluke o kriterijima i načinu ostvarivanja prava na refundaciju troškova nabavke lijekova navedenih u Odluci o listi lijekova fonda solidarnosti Federacije Bosne i Hercegovine, broj:02/I-01-1-1054-1/14 od 11.04.2014.godine (u daljem tekstu:Odluka o refundaciji troškova nabavke lijekova), riječi i brojevi , u zagradi: „(„Sl.novine Federacije BiH”, br. 30/97, 07/02,70/08 i 48/11)” zamjenjuju se riječima i brojevima u zagradi: „(„ Službene novine Federacije BiH “, br. 30/97, 07/02,70/08,48/11 i 36/18)”.
2. U preambuli i u tački I, u stavu 1. Odluke o refundaciji troškova nabavke lijekova, riječi i brojevi u različitim padežima : „Odluke o listi lijekova fonda solidarnosti Federacije Bosne i Hercegovine («Službene novine Federacije BiH», broj: 89/13)” zamjenjuju se riječima u odgovarajućim padežima: „važeće Odluke o listi lijekova fonda solidarnosti Federacije Bosne i Hercegovine”.
3. U Obrascu br. 1.Odluke o refundaciji troškova nabavke lijekova, riječi i brojevi , u zagradi „(tačka II. Odluke o listi lijekova fonda solidarnosti Federacije BiH -„Službene novine Federacije“, br. 89/13)” se brišu.

II

Obrazac br. 1 (sa izmjenama iz tačke I3.) sastavni je dio Odluke o refundaciji troškova nabavke lijekova i priložen je uz ovu Odluku o izmjenama Odluke o refundaciji troškova nabavke lijekova.

III

Ove izmjene su sastavni dio Odluke o refundaciji troškova nabavke lijekova.

IV

Ova Odluka stupa na snagu danom donošenja.

Broj: 02/I-01-1-4109-1/19
Sarajevo, 26.11.2019. godine



Objasnenje

I-Pravni osnov

Pravni osnov je sadržan u članu 104. stav 1. alineja 15. Zakona o zdravstvenom osiguranju i odredbama važeće Odluke o listi lijekova fonda solidarnosti Federacije Bosne i Hercegovine .

II- Razlozi donošenja

Navedenim izmjenama izvršeno je usklađivanje sa novim objavljenim izmjenama Zakona o zdravstvenom osiguranju u Službenim novinama Federacije BiH.

Takođe, u vezi Odluke o listi lijekova fonda solidarnosti Federacije Bosne i Hercegovine, upotrebljen je, umjesto navođenja brojeva službenih listova, pojam „važeća”, u odgovarajućim padežima, iz razloga ekonomičnosti postupanja odnosno izbjegavanja novih usklađivanja brojeva službenih listova sa tim mogućim izmjenama, a uzimajući u obzir dosadašnje mnogobrojne izmjene i dopune odluka koje se odnose na liste lijekova fonda solidarnosti Federacije Bosne i Hercegovine te i dosadašnja donošenja potpuno novih odluka.

III- Objasnenje pravnih rješenja

U tač. I ove Odluke izvršene su izmjene u preambuli, u tački I u stavu 1. i u Obrascu br. 1. Odluke o refundaciji troškova nabavke lijekova na način da je izvršeno usklađivanje sa novim objavljenim izmjenama Zakona o zdravstvenom osiguranju u Službenim novinama Federacije BiH . Takođe su izvršene izmjene na način da je u odnosu na Odluku o listi lijekova fonda solidarnosti Federacije Bosne i Hercegovine upotrebljen, umjesto navođenja brojeva službenih listova, pojam „važeća”, kao i izmjena na način da su u Obrascu br. 1. Odluke o refundaciji troškova nabavke lijekova, riječi i brojevi , u zagradi „(tačka II. Odluke o listi lijekova fonda solidarnosti Federacije BiH - „Službene novine Federacije“, br. 89/13)” brisani.

U tački II ove Odluke precizirano je da je Obrazac br. 1 (sa izmjenama iz tačke 13.) sastavni dio Odluke o refundaciji troškova nabavke lijekova i da je priložen uz ovu Odluku o izmjenama Odluke o refundaciji troškova nabavke lijekova.

U tački III ove Odluke precizirano je da Odluka stupa na snagu danom donošenja.

IV Finansijska sredstva

Refundacija troškova nabavke lijekova tereti sredstva koja su planirana za lijekove finansijskim planom, a za za realizaciju ove Odluke nije potrebno osigurati dodatna finansijska sredstva.

ime i prezime podnosioca zahtjeva

adresa

JMBG

broj telefona/fax-a/mob.

elektronska pošta (mail)

kontakt osoba

Zavod zdravstvenog osiguranja i reosiguranja Federacije Bosne i Hercegovine
naziv organa koji vodi postupak

Sarajevo Trg heroja br.14
sjedište organa

PREDMET: Zahtjev za refundaciju troškova nabavke lijekova iz Odluke o listi lijekova fonda solidarnosti Federacije BiH

Dokazi koji se prilažu uz zahtjev su:

1. Medicinski nalaz kojim se potvrđuje neophodnost primjene navedenog lijeka;
2. Potvrda o stanju snabdjevenosti lijekova u kliničkoj/bolničkoj apoteci u periodu provođenja terapije;
3. Originalni fiskalni račun o kupovini lijeka ličnim sredstvima i
4. Broj računa otvoren kod banke.

NAPOMENA:

Dokazi pod tač. 1. i 4. prilažu se u originalu ili kopiji ovjerenoj od strane općinskog organa. Svojestvo osiguranog lica i posjedovanje Saglasnosti nadležne komisije o korištenju lijeka na teret sredstava fonda solidarnosti FBiH, u skladu sa odredbama Odluke o kriterijima i načinu ostvarivanja prava na refundaciju troškova nabavke lijekova navedenih u Odluci o listi lijekova fonda solidarnosti Federacije Bosne i Hercegovine, utvrdit će se uvidom u službenu evidenciju koja se vodi kod Zavoda zdravstvenog osiguranja i reosiguranja Federacije Bosne i Hercegovine.

mjesto i datum

potpis podnosioca zahtjeva

LK. br. _____